

舊榻蘭亭帖

溥儒題籤



永和九年歲在癸丑暮春之初
于會稽山陰之蘭亭脩禊事
也羣賢畢至少長咸集此地
有峻領茂林脩竹又有清流激
湍映帶左右引以為流觴曲水

列坐其次雖無絲竹管弦之
盛一觴一詠亦足以暢叙幽情
是日也天朗氣清惠風和暢仰
觀宇宙之大俯察品類之盛
所以遊目騁懷足以極視聽之

娛信可樂也夫人之相與俯仰
一世或取諸懷抱悟言一室之內
或因寄所託放浪形骸之外雖
趣舍萬殊靜躁不同當其欣
於所遇暫得於己快然自足不

僧欣

知老之將至及其所之既倦情
隨事遷感慨係之矣和之所
欣俛仰之間以為陳迹猶不
能不以之興懷況脩短隨化終
期於盡古人云死生亦大矣豈

不痛哉每攬昔人興感之由
若合一契未嘗不臨文嗟悼不
能喻之於懷固知一死生為虛
誕齊彭殤為妄作後之視今
亦猶今之視昔

悲夫故列

叙時人錄其所述雖世殊事
異所以興懷其致一也後之攬
者亦將有感於斯文



蘭亭序見數本皆稱定式非之

式也一時家藏石印佳者皆

宋刻別石模耳不待言矣

則拙者近古媚者近今此本甚拙
或夢字諸定式真本為見以附

典型一著與聖教若看雖系戒

後本有宜和兩印秋聲閣書

亦未見是這過此本則定式之雖

言可知也

己卯元日 晴窗偶記 丁巳

